

JAVNI POZIV

za dodjelu finansijske podrške projektima organizacija civilnog društva

Oznaka poziva: 17.03.0-N2.1-2419

USAID kroz projekat PRO-Budućnost i Institut za razvoj mladih KULT (u daljnjem tekstu: Institut) objavljuju Javni poziv za dodjelu finansijske podrške projektima organizacija civilnog društva.

Ukupna finansijska vrijednost izdvojena za podršku projektima organizacija civilnog društva iznosi 37.500,00 KM.

O PROJEKTU PRO-BUDUĆNOST

Projekat Američke agencije za međunarodni razvoj (USAID) Povjerenje, razumijevanje, odgovornost za budućnost (PRO-Budućnost) implementira humanitarna i razvojna agencija Catholic Relief Services (CRS), u partnerstvu s Institutom za razvoj mladih KULT, Caritasom Bosne i Hercegovine, Forumom građana Tuzla i Helsinškim parlamentom građana Banja Luka.

Projekat saraduje s ključnim akterima iz političke, vjerske i medijske sfere, te različitim grupama građana, s ciljem da pomirenje i unaprijeđeno povjerenje vode ka pozitivnim društvenim promjenama širom BiH.

Općine/opštine/gradovi (u daljnjem tekstu: Lokalne zajednice) iz BiH u kojima PRO- Budućnost djeluje i ima potpisan memorandum o razumijevanju i Platformu za mir su: Banja Luka, Berkovići, Bihać, Bosanska Krupa, Bosanski Petrovac, Bratunac, Breza, Bugojno, Čelić, Čitluk, Derventa, Doboj, Doboj Jug, Domaljevac-Šamac, Drvar, Foča (FBiH), Foča (RS), Glamoč, Goražde, Gornji Vakuf-Uskoplje, Gračanica, Gradačac, Istočno Novo Sarajevo, Jablanica, Jajce, Jezero, Kalesija, Kiseljak, Kladanj, Kostajnica, Kozarska Dubica, Kupres (FBiH), Livno, Ljubuški, Ljubinje, Lopare, Maglaj, Modriča, Mostar, Mrkonjić Grad, Nevesinje, Novi Grad (RS), Novi Travnik, Novo Goražde, Odžak, Osmaci, Pelagićevo, Petrovo, Prijedor, Prozor-Rama, Rudo, Šamac, Sanski Most, Sapna, Sarajevo-Centar, Široki Brijeg, Sokolac, Srebrenica, Stolac, Teočak, Tešanj, Teslić, Trebinje, Trnovo (FBiH), Trnovo (RS), Ugljevik, Usora, Vareš, Višegrad, Vlasenica, Vukosavlje, Zavidovići, Zenica, Žepče i Zvornik, te Zapadnohercegovački kanton/županija i Kanton 10 (bivša Hercegbosanska županija).

Sve dodatne informacije o projektu PRO-Budućnost mogu se naći na stranici www.probuducnost.ba.

UVJETI I PROCEDURE ZA APLICIRANJE

Na Javni poziv mogu se prijaviti organizacije civilnog društva (udruženja i fondacije osnovane prema važećim zakonima o udruženjima i fondacijama) iz Bosne i Hercegovine, čije je sjedište na području jedne od Lokalnih zajednica u kojima se sprovodi projekat PRO-Budućnost. Također, na Javni poziv mogu se prijaviti i članice neformalnih mreža organizacija civilnog društva koje će pružati podršku zajednicama u zagovaranju institucionalnih odgovora na istaknute potrebe lokalne zajednice.

Projektni prijedlozi trebaju:

- zagovarati institucionalne odgovore na istaknute potrebe lokalne zajednice;
- uključivati aktivnosti koje isključivo pozitivno promoviraju i podstiču pomirenje, kao što su: dijalog, zajedničke radionice o pomirenju ili zajedničke aktivnosti koje promoviraju pomirenje;
- doprinositi unapređenju procesa pomirenja i povjerenja u BiH, zagovarati za mir i kolektivnu viziju za stabilnu budućnost i povezivati lokalne zajednice, te biti u skladu sa [Platformom za Mir](#);
- uključivati različite etničke/nacionalne grupe u realizaciji aktivnosti;
- biti od koristi za širu zajednicu;
- mobilizirati članove zajednice kroz volonterski rad;
- uzeti u obzir pravilno i odgovorno korištenje prirodnih, kulturnih, historijskih ili bilo kojih drugih materijalnih i nematerijalnih resursa;
- biti realizovani na teritoriji jedne ili više lokalnih zajednica uključenih u PRO-Budućnost projekt, s tim da je projektne aktivnosti moguće implementirati u suradnji sa lokalnim zajednicama koje nisu dio PRO-Budućnost projekta;
- trajati **minimalno 3, a maksimalno 8 mjeseci** (početak projekta podrazumijeva datum potpisivanja ugovora, a projekat se završava kada se dostave završni narativni i finansijski izvještaji);
- osigurati najmanje 30% sredstava od lokalne zajednice (općine/opštine/grada, kompanija, javnih ustanova, fizičkih lica i sl.) u novcu, robama ili uslugama od traženog iznosa. Aplikanti čiji projektni prijedlozi budu odobreni bit će u obavezi prije potpisivanja Ugovora o dodjeli granta dostaviti Pismo podrške koje to dokazuje¹ u protivnom ugovor neće moći biti potpisan;
- naknadu za usluge koordiniranja prilagoditi tako da iznosi maksimalno 5% ukupne vrijednosti budžeta – u prosjeku bruto 300 BAM;
- troškove nabavke opreme (računari, kopirni uređaji, fotoaparati...) prilagoditi tako da iznose maksimalno 30% ukupne vrijednosti budžeta. Troškovi projekta ne mogu uključivati najam opreme od neregistrovane kompanije ili od strane fizičkih lica;
- biti napisani na jednom od službenih jezika i pisama Bosne i Hercegovine;
- biti dostavljena u formi priloženoj uz Javni poziv;
- traženi iznos ne može biti **manji od 4.800,00 KM i veći od 7.500,00 KM** (sredstva iz ovog Javnog poziva ne uključuju troškove poreza na dodanu vrijednost, PDV. Sva pravna lica koja dobiju ova sredstva mogu ostvariti pravo na povrat PDV-a preko Uprave za indirektno oporezivanje);
- biti popunjeni elektronski, a dostupni su na ovom [linku](#).

Nepotpuni projektni prijedlozi, kao ni oni koji pristignu nakon navedenog roka ili ne budu dostavljeni na predviđeni način, kao ni prijave na neodgovarajućim obrascima neće biti uzete u razmatranje.

Institut i Grant Menadžment Tim PRO-Budućnost projekta zadržavaju pravo dodijeliti bilo koji broj projekata, prema vlastitom nahođenju i procjeni.

¹ Kao relevantna dokumentacija će se prihvatiti ugovori ili sporazumi s pravnim licima, odnosno potpisane izjave od strane fizičkih lica koji jasno definišu vrstu i visinu sredstava, usluga ili roba koje dodjeljuje (pismo podrške).

ELIMINATORNI KRITERIJI²

1. Projektna aplikacija **mora biti** dostavljena putem PRO-Budućnost stranice (www.probuducnost.ba) u **navedenoj odgovarajućoj formi** (forma projektnog obrasca i budžeta će biti navedena u javnom pozivu). **Aplikacije dostavljene u drugim formatima, neće biti uzete u razmatranje;**
2. Timovi asocijacije/udruženja/organizacije/radne grupe koje apliciraju na javni poziv **moraju biti sastavljene od minimalno 3 osobe.**
3. Projekat se **mora implementirati u minimalno jednoj PRO-Budućnost zajednici** (Lokalne zajednice navedene u javnom pozivu). Projektna aktivnost je moguće implementirati u suradnji sa lokalnim zajednicama koje nisu dio PRO-Budućnost projekta;
4. Projekat **mora trajati u skladu sa terminima navedenim u javnom pozivu** (minimalno tri mjeseca, a maksimalno osam mjeseci);
5. Traženi **novčani iznos mora biti u skladu sa navedenim iznosom u javnom pozivu.**

Kriteriji po osnovi kojih će se evaluirati te bodovati predloženi projekti su:

- koliko projekat doprinosi pozitivnim aktivnostima pomirenja, posebno u polju zagovaranja za mir i institucionalizaciju kolektivne vizije za stabilnu budućnost;
- koliko projekat zagovara institucionalne odgovore na istaknute potrebe lokalne zajednice;
- koliko projekat uključuje aktivnosti koje isključivo promoviraju i podstiču pomirenje. Ovo uključuje aktivnosti kao što su: međuetnički dijalog, širenje drugačijih perspektiva o bh. društvu, zajedničke radionice o pomirenju ili zajedničke aktivnosti koje promoviraju pomirenje;
- koliko projekat doprinosi povezivanju lokalnih zajednica u kojima se realizira koristeći prirodne, kulturne, historijske resurse kao što su nacionalni spomenici, religijske institucije, muzeji, parkovi i sl., kao i bilo koje druge materijalne i nematerijalne resurse prikazane kroz literaturu, muziku, ples i sl.;
- na koji način projekat predviđa uključivanje drugih članova zajednice kroz volonterski rad;
- nivo mobilizacije/uključivanja različitih ključnih aktera iz lokalnih zajednica;
- na koji način projekat promoviše [Platformu za mir](#) kroz projektna aktivnosti;
- koliko je projekat koristan za zajednicu;
- da li je projekat je provodiv u okviru predviđenih sredstava, vremena i ljudskih resursa.

Finansijska podrška malim projektima organizacija civilnog društva neće biti dodijeljena:

- projektima koji su nepotpuni, kao ni onima koji pristignu nakon navedenog roka ili ne budu dostavljeni na predviđeni način, kao ni prijave na neodgovarajućim obrascima neće biti uzete u razmatranje;
- projektima koji pozivaju na bilo koji oblik nasilja i diskriminacije, promovišu alkohol, droge ili nezdrav način života neće biti uzeti u razmatranje;
- projektima političkih stranaka i javnih institucija;
- projektima koji sadržavaju plate i honorare za članove Projektna grupe;

² Projekti koji ne ispunjavaju gore navedene kriterije neće se uzeti u razmatranje.

- projektima čiji troškovi nabavke elektroničke opreme (fotoaparati, računari, prijenosna računala, kopirni aparati itd.) premašuju 30% sredstava od cjelokupnog budžeta;
- projektima koji sadržavaju unajmljivanje ili kupovinu opreme (bilo koje vrste) od neregistrovane kompanije ili od fizičkih lica;
- organizacijama koje ne prođu proces predgrantovske procjene.

UVJETI DODJELE NOVČANE PODRŠKE

Organizacije koje budu imale najbolje projektne prijedloge i budu odabrane za dodjelu novčane podrške dužne su omogućiti Institutu da izvrši predgrantovsku procjenu rada i poslovanja organizacije u prethodnom periodu, prije početka implementacije projekta. Predgrantovska procjena podrazumijeva analizu organizacijskih, finansijskih, administrativnih i ljudskih resursa podnosioca projektnog prijedloga.

Samo organizacije čiji projekti budu najbolje ocijenjeni i koje uspješno prođu proces predgrantovske procjene mogu dobiti novčanu podršku.

INSTRUKCIJE ZA PRIJAVU NA JAVNI POZIV I DOSTAVLJANJE DOKUMENTACIJE

Rok za prijavu: Poziv ostaje otvoren do ponedjeljka, 16.11.2020. godine, 15:00h. Prijave poslane nakon navedenog roka neće biti uzete u razmatranje.

Prijave dostaviti: Elektronski i isključivo putem online obrasca koji se nalazi na [linku](#).

Eventualna pitanja mogu se postaviti isključivo putem emaila na maliprojekti@probuducnost.ba, (Predmet: Upit, **17.03.0-N2.1-2419**).

Korak 1: Pristup linku

Da biste pristupili Online prijavi, potrebno je da odete na stranicu <https://probuducnost.ba/> i kliknete na podstranicu [MALI GRANTOVI](#).

Odaberite dokument **Mali grantovi za organizacije civilnog društva** i pročitajte pažljivo.

U Javnom pozivu ćete naći link koji će Vas preusmjeriti na Online upitnik i priloge sa Obrascem za projektne prijedloge i Obrascem za budžet. Link će također biti dostupan i na podstranici.³

³ Molimo Vas imajte na umu da dokument Javni poziv za male grantove sadrži i link za Platformu za mir.

Korak 2: Ispunjavanje priloga i online upitnika

Online upitnik
Podnosilac projekta (izabrati):
Ime neformalne grupe ili organizacije:
Odgovorna osoba (koordinator):
Email adresa:
Telefon:
Općina/opština/grad:
Naziv projekta:
Tip finansijske podrške za koju se prijavljujete:
Kratki opis projekta:
Ukupni budžet iz sredstava PRO-Budućnost projekta (bez PDV-a):
Prilog 1 (obrazac projektnog prijedloga):
Prilog 2 (obrazac za budžet):

Prilikom popunjavanja Online upitnika, preuzmite prvo priloge (Obrazac za projektni prijedlog i Obrazac za budžet) i popunite dokumente. Kako biste sačuvali kopiju projektnog obrasca, potrebno je kliknuti „Send me a copy of my responses“. Kada ispunite dokumente, ispunite informacije na linku (Online upitnik). Provjerite da li ste priložili popunjene obrasce i kliknite POŠALJI.

Kada jednom pošaljete, nećete više biti u mogućnosti mijenjati svoju prijavu.

Imajte na umu da je sva pitanja na linku obavezno ispuniti.

Kada ispunjavate upitnik i priloge, imajte na umu da:

- ✓ Sve informacije o projektu moraju biti tačne i unesene u tabele;
- ✓ Sve sekcije u dokumentima moraju biti ispunjene;
- ✓ Prijava neće biti prihvaćena ukoliko sva obavezna polja nisu ispunjena.

Po finalnom odabiru projekata, i objavljivanju rezultata bit će otvoren rok za prigovore u trajanju od 7 dana. Pravo na prigovor imaju svi sudionici na objavljenom pozivu koji iz određenih razloga nisu zadovoljni svojom pozicijom na rang listi odobrenih grantova.

PRO-Budućnost Grant Menadžment Tim će sve podnosiocima projektnih prijedloga informisati o ishodu njihove prijave u roku od 60 dana od zatvaranja Javnog poziva. Grant Menadžment Tim zadržava pravo da ne obrazlaže rezultate za svakog podnosioca projektnog prijedloga pojedinačno.

Svaki pokušaj kontaktiranja bilo kojeg zaposlenika Instituta i PRO-Budućnost Grant Menadžment Tima PRO-Budućnost vezano za dobivanje dodatnih informacija mimo navedene email adrese i svaki pokušaj podmićivanja bilo kojeg zaposlenika vodi do dugoročne diskvalifikacije podnosioca projektnog prijedloga.